

مجموعه ابو الضرب

ماسوا شایه سندن دلی تطهیره چالش
بر تو حکمت و عرفان ایله تنویره آتش

هر ماه عربی ابتداسیله اون بشتنده نشر اولنور فنون مجموعه سیدر

جزو ۴۶ [فی ۱۵ جمادی الاولی سنه ۱۳۰۲] نسخده سی ۳ غروش

ثانیاً لسانمزدۀ علویت، بذاتها مستعمل ایسه ده جناب ایلہ علو کلمہ سی ترکیب اولنہ گلدیگندن (علویت جناب) استعماله مغایر .

ثالثاً ذات افادۀ منطق یوق؛ چونکہ (تعییرات والفاظ) هیچ برقائک علو جنبانہ دلالت ایدر آئاردن دگلدیر. خصائص قلبیه روح کلام اولان معنادر بلیر. برآدمک صفتہ الفاظندن حکم ایتک البسه سندن حکم ایتمکله برابر در .

(هجنت نمود اولان بر فکر ردائت آلود) عبارہ سندن درت دانه قافیہ وار؛ فقط هیچ لطافت یوق .

(اسرار وخفایا) (و احتیاط و انتباه) (خوف و خشیت) (فرض و تقدیر) (معاش و وظیفه) (نصایح و صایا) ترکیب لرنده اولان ایکیشر کلمه نک برر دانه سی زائد اولدیغنی تعریفه حاجب اولماق گرک .

(مابعدی وار)

کمال بک افندیکنک بعض آثار منظومہ سی

بونده طوغمشدر مسیح ایتمشده مهره صعود

بونده اینمشدر کلمه نور حق بالاقتار

آدمی جتندن ابعاد ایلینجه گردگار

جنته طوتمش بدل ایتمش بو خاکی اختیار

حفظ ایدن تخم حیات عالمی کشتی نوح

ایلدی بو خا کدانک برکنارنده قرار

آدمی شیطان بو یرلرده نمرود ایش

آتشی الله ده بو یرلرده ایتمش لاله زار

نغمه داوود سندن ناله سقراط ایلہ

دین و عقلی ایشدر بر برینه یادگار

ظلمه نامغلوب اولنجه ایلیان سندکینه
اردوسیه عالمه بیگ درلو اسکندر نثار
[کمال]

شو آغاج چشم عبرته اورییور
یازدهده قیشدهده یشیل طورییور
ظن ایدرسن چمن قیام ایتمش
قدرت حقه احترام ایتمش
[کذا]

یارمک دوشمش ینه زلف سیاهی بویننه
اسکی شاعرلرجه کفر ایتمش گناهی بویننه
کیم گوردرسه گردن صافین خدا گوسترمسون
طوپلانونب دوشمش صانیر نور الهی بویننه
[کذا]

اون طقوزنجی عصر

(سعدالله پاشا انکدر)

ایرشدی اوج کمالاته نور ادراکات
یتشدی رتبه امکانه قسم ممتعات
بساط اولدی مرکب، مرکب اولدی بسیط
بدهت اولدی تجاربله خلی مجهولات
محاز اولدی حقیقت، حقیقت اولدی محاز
یقلدی بلکه اساسندن اسکی معلومات